

廿二史考異

唐書六

廿二史攷異四十六

錢大昕學

宰相表上

武德元年六月將作大匠龔陳國公竇抗本官兼納言黃門侍郎陳叔達判納言兼判皆未正授之稱攷叔達以是年判納言明年乃兼納言則判又在兼之下也

四年十月世民加司徒天策上將按武德元年世民已爲太尉太尉在司徒之上此云加司徒者以太尉兼領司徒也九年二月元吉爲司徒則世民但爲太

尉不兼司徒矣

貞觀六年三月君集以喪罷十一月君集起復按唐時宰相居喪無不奪情起復者然君集起復相距猶八月若八年長孫无忌起復十七年房元齡起復咸亨元年李敬元起復乾元二年呂諲起復天復二年韋貽範起復則相距三月貞觀廿二年褚遂良起復相距四月大約百日卒哭之後卽有詔起復也龍朔三年七月戊戌李義府以母喪罷九月丁丑卽起復止隔四十日未免太促或其中有閏月則亦百日矣永淳元年十月黃門侍郎劉景先同中書門下平章事

按高宗武后紀俱作劉齊賢宰相世系表云齊賢
夏名景先蓋高宗時避章懷太子諱改名而齊賢本
傳不書此史之漏也紀書初名表書改名於例殊未
畫一

萬歲登封元年乙未 按是歲一月改元證聖九月改
元天冊萬歲其明年臘月改元萬歲登封三月改元
萬歲通天史家之例年號以後改者爲定此乙未歲
當書天冊萬歲元年表云萬歲登封誤

宰相表中

天寶十一載十一月林甫死 春秋之法內諸侯稱薨

內大夫稱卒外諸侯亦稱卒雖宋文公魯桓公仲遂
季孫意如之倫書薨卒無異辭所謂直書而善惡自
見也歐公修唐書於本紀亦循舊史之例如李林甫
書薨田承嗣李正己書卒初無異辭獨於宰相表變
文有書薨書卒書歿之別欲以示善善惡惡之旨朕
科條既殊爭端斯啟書歿者固爲巨姦書薨者不皆
忠讜予奪之際已無定論紫陽綱目頗取歐公之法
而設例益繁或去其官或削其爵或奪其諡書法偶
有不齊後人復以己意揣之而讀史之家幾同於刑

部之決獄矣

宰相表下

開成四年五月陳夷行罷爲吏部侍郎 本傳作吏部

尚書

大中十三年十二月敏中守司徒兼門下侍郎同中書
門下平章事 凡前宰相再入何書姓如蕭瑀高士
廉姚元之唐休璟諸人是也白敏中自荆南節度使
再入相不書姓此史文之闕舊唐書懿宗紀不載敏
中入相事

廣明元年二月從讜檢校司空兼平章事河東節度行
營招討等使 鄭從讜傳作檢校司徒誤也舊唐書

攷異

唐書六

三

本紀亦作司空

乾寧二年三月戶部侍郎判戶部王搏爲中書侍郎同
中書門下平章事 按舊書本紀搏拜相在景福二
年十二月乾寧元年十月出爲湖南節度使二年六
月復爲中書侍郎平章事新史祇有此年入相事不
云罷而復相又舊史稱六月復相而此書於三月皆
不相合蓋宣宗以後實錄散亡傳聞互異新舊兩史
之抵牾者難以夏僕數矣

方鎮表一

開元九年置朔方軍節度使領單于大都護府夏鹽綏

銀豐勝六州定遠豐安二軍東中西三受降城 唐
會要開元元年十月勅朔方行軍大總管宜準諸道
例改爲朔方節度使其定遠豐安軍東西中城單于
豐勝靈夏鹽銀匡長安樂等州竝受節度此表云九
年其所領州亦互異未審孰是也地理志靈州有朔
方軍黃河外有豐安安遠新昌等軍安遠當爲定遠
之譌朔方軍置於靈州則靈州必在所領之內恐表
有脫文

二十二年以安樂二州隸原州 此州以安樂爲名非
兩州也二字衍

至德元載置京畿節度領京兆同岐金商五州 按天寶元年以前乾元元年以前稱郡不稱州當云京兆馮翊鳳翔安康上洛五郡餘仿此

是年以金商岐州隸興平 按第七卷云興平節度使領上洛安康武當房陵四郡則岐州不在興平管內此文疑誤也

別置關內節度使以代採訪使徙治安化郡 以呂崇賁爲使未幾改命王思禮安化時已改名順化矣

乾元二年置陝虢華節度領潼關防禦關練鎮守等使 是時安慶緒再陷東京以關陝要地除來瑱爲節

度使鎮之其明年瑱移鎮山南除郭英又陝西節度
潼關防禦等使尋兼神策軍節度使其後英又入朝
而神策隸於觀軍容部下遂爲禁軍非州郡兵矣

上元二年以華州置鎮國節度亦曰關東節度廣德元
年罷鎮國軍節度按舊史本紀廣德元年有同華
節度使李懷讓懷讓歿而周智光繼之至大歷二年
智光伏誅始不除節度表云廣德元年罷節度者非
也同州本隸河中上元二年改隸鎮國軍此表不云
領同州亦漏也

大歷五年涇原節度使馬璘訴地貧軍廩不給遥領鄭

穎二州 依前後文制但當云涇原節度遙領鄭穎
二州且璘傳已云涇軍乏財帝諷李抱玉讓鄭穎則
此文尤可省也抱玉時以澤潞帥權鳳翔隴右節度
使兼領兩鎮而璘亦權知鳳翔隴右節度副使故得
分其地以益涇原也及段秀實代璘忤宰相楊炎因
奪其穎州秀實既受代去并鄭州亦罷之此事理之
想當狀者

十四年析置河中振武邠寧三節度 是時德宗初立
罷郭子儀副元帥以李懷光爲河中尹邠寧慶晉絳
慈隰等州節度觀察使以常謙光兼靈州大都督西

受降城定遠軍天德鹽夏豐節度等使渾瑊爲單于
大都護振武東中二受降城鎮北及綏銀麟勝等軍
州節度管田使蓋於朔方管內析置邠寧振武二節
度河中卽在邠寧管內并朔方爲三鎮也是歲十一
月又除杜亞爲河中尹晉絳慈隰都防禦觀察使則
河中別爲一鎮矣乃第六卷河中篇不云是年置都
防禦使與此文不相應

建中二年置河陽三城節度使以東都畿觀察使兼之
領懷鄭汝陝四州尋置使增領東畿五縣及衛州亦
曰懷衛節度使按舊本紀是年正月以路嗣恭爲

鄭汝陝河陽三城節度東畿觀察使卽表所云置河陽三城節度以東都畿觀察使兼之也其五月以李芄爲河陽三城懷州節度使仍割東畿五縣隸焉於是河陽別爲節鎮不領於都畿而鄭汝亦不在所管之內上文云以汝州隸河陽尋復舊正指此事東畿五縣謂河陽河清濟源温汜水也其兼領衛州則紀傳所未及衛州本在田悅管內時李芄受詔討悅遙假以名非能有其地也

四年置京畿渭南節度觀察使領金商二州是年兼渭南鄜坊丹延綏五州未幾罷五州及金州爲京畿商

州節度使。今按通鑑是歲十月德宗幸奉天以渾
瑊爲行在都虞候京畿渭北節度使以李昌燁爲京
畿渭南節度使尋加城京畿渭南北金商節度使表
列云兼渭北鄜坊等五州者卽指渾瑊而言其實瑊
以渭北帥兼渭南非渭南兼渭北也興元元年三月
瑊以尚可孤爲神策京畿渭南商州節度使則京畿
商州之別置帥乃在次年表併書於一年非也

以隴州置奉義軍節度使尋廢。奉義軍以韋皋爲帥
次年舉召還此軍遂廢

復置渭北節度如上元之舊尋罷未幾復置徙治鄜州

其後置都團練觀察防禦使 渭北帥領鄜坊丹延

四州此上元舊制也是歲渾瑊除京畿渭北節度使

而又有鄜坊節度使李建徽

通鑑亦稱渭北節度

將兵入援殆

賊所將者行營之兵而建徽乃其本帥乎興元元年

建徽軍爲李懷光所奪而以李晟兼渭北鄜坊丹延

節度觀察使其年又除唐朝臣鄜坊丹延節度使至

貞元二年朝臣移鎮振武乃除論惟明爲鄜坊都防

禦觀察使其明年惟明卒仍書鄜坊節度使則是鄜

坊初無罷而復置之事也

興元元年以同州爲奉誠軍節度領同晉慈隰四州是

年罷 奉誠軍以康日知爲帥

以華州置潼關節度使 駱元光爲鎮國軍節度使通
鑑在前年十一月至貞元九年元光卒而華州不除
節鎮

貞元元年置陝虢都防禦使治陝州踰月又爲都防禦
觀察陸運使 是歲陝虢節度使張勸爲其下所殺
以李泌爲陝虢都防禦水陸運使尋加觀察使不除
節度而除防禦故云罷陝西節度使置陝虢都防禦
使也表書廢陝西節度於上年似設分爲兩事

罷河陽節度使置都團練使 時河陽帥李芄卒因不

五
節鎮

年升東都畿汝州都防禦使爲都防禦觀察使 按
舊本紀貞元元年以賈耽兼東都留守都畿汝州防
禦使二年加東都留守賈耽東都畿唐汝鄧都防禦
觀察使蓋耽本以留守兼防禦止領汝州至是始進
爲都防禦增領唐鄧二州也表於上年已書都防禦
增領唐鄧似不如舊紀之得其實矣是歲耽移鎮義
成其明年除嗣曹王皋爲山南東道節度使乃割唐
鄧隸之

三年罷保義節度置都團練觀察防禦使 興元元年

李晟爲鳳翔隴右節度使至是罷晟兵柄以其都虞
候刑君牙爲鳳翔尹本府團練使君牙資望尙輕故
未授以旄節狀傳云俄領節度表亦云未幾復置節
度則君牙建節殆卽在此年乎

德宗置行秦州以刺史兼隴右經略使治普潤以鳳翔
節度使領隴右支度營田觀察使 按貞元三年吐

蕃陷隴右四年以潼關節度使李元諒

卽駱元光也

兼隴

右節度使臨洮軍使治良原良原涇州縣也九年元
諒卒於良原十年乃以劉潼爲秦州刺史隴右經略
軍使理普潤縣卽表所云行秦州也地理志普潤縣

有隴右軍貞元十年置十一年以縣隸隴右經略使
獨不云置行秦州亦史文之漏也表不書於貞元十
年而附見此年亦未核

置夏州節度觀察處置押蕃落使領綏鹽二州 按舊
本紀是年七月以韓潭爲夏州刺史夏綏銀等州節
度使此表亦有銀夏節度之名惟此條失書銀州

六年涇原節度領四鎮北庭行軍節度使 按自馬璘
移鎮涇原以來涇帥常兼四鎮北庭行營節度表皆
不書至是安西北庭皆沒於吐蕃故特書之其時節
度使則劉昌也

十二年以天德軍置都團練防禦使領豐會二州三受
降城 豐州別置都防禦以李景略爲使

復置河陽懷節度治河陽 按是年河陽除帥不見于
舊本紀惟十五年三月書以河陽三城節度使李元
爲昭義軍節度使疑元除節度卽於十二年矣

元和元年升隴右經略使爲保義軍節度 是年劉潼
由經略使進節度其明年潼卒而罷節鎮也

析丹州置防禦使 按舊本紀元和七年以元義方爲
鄜坊丹延觀察使是丹州析置防禦未久仍隸鄜坊
而表文書也又攻元和三年以前鄜坊帥皆稱節度

七年以後元義方薛仵裴武李銛相繼爲觀察至十二年韓公武復除鄆坊丹延節度其罷而復置宜見於表史皆闕而不書

九年河隄節度增領汝州徙治汝州 時憲宗將用兵淮西以河陽節度烏重允兼汝州刺史徙治焉十二年淮西平十三年除鄭網東都留守都畿汝防禦使則汝仍隸東畿而重允還治河陽矣

十三年罷河陽節度 今按舊本紀元和十三年重允移鎮滄州以令狐楚代之十四年楚入相而魏義通代之十五年以田布爲河陽節度長慶元年布移鎮

而郭釗代之二年釗移鎮而陳楚代之三年楚入爲
龍武統軍史不見交代姓名以紀傳參攷當是崔宏
禮代之寶歷二年楊元卿爲節度大和五年元卿移
鎮而溫造代之八年蕭洪爲節度開成二年河陽軍
亂逐其節度使李泳以李執方代之會昌三年則王
茂元爲節度此二十五年之中河陽凡更十二帥初
未聞罷而更置也表於是年書罷河陽節度直至會
昌三年復置殊爲踈舛且與文宗紀河陽軍亂逐節
度之文亦不相應

長慶元年東都畿防禦罷領汝州二年東都畿復領汝

州 按長慶元年李絳代鄭綱判東都尚書省事東
帶留守都畿防禦使結銜內不帶汝州次年裴度代
絳留守東京乃復帶之

大和三年以陝虢地近京師罷陝虢都防禦使 按舊

本紀大和五年八月以崔咸爲陝州防禦使詔陝州

舊有都防禦觀察使額宜停兵馬屬本州防禦使表

書於三年誤也嗣後李詵舒元與皆止稱陝州防禦

使至開成元年復除鄭肅爲陝虢都防禦觀察使

會昌三年復置河陽節度徙治孟州 河陽節度本治

懷州是年始於河陽置孟州爲節度治所表云復置

者誤

大中三年邠寧節度以南山平夏部落叛徙治寧州及內附復徙故治 據通鑑邠寧還故治在大中九年咸通五年秦州隸天雄軍節度 此天雄軍置於秦州非魏博之天雄軍

中和二年渭北節度賜號保大軍節度增領翟州 地理志坊州鄜城縣唐末置翟州渭北卽鄜坊也是歲鄜坊節度使李孝昌與夏州節度使拓拔思恭同盟起兵討黃巢故賜其軍號曰保大軍夏州曰定難軍以延州置保塞軍節度 通鑑中和三年五月建延州

爲保塞軍以保大行軍司馬邠州刺史李孝恭爲節度使表書於二年未知孰是

三年升陝虢防禦觀察使爲節度使 以王重盈爲帥
光啟元年邠寧節度賜號靜難軍節度 通鑑在中和
四年其時朱玫爲節度使

三年升東畿觀察兼防禦使爲佑國軍節度 時張全
義爲河南尹置佑國軍節度令全義兼領之通鑑在
文德元年

龍紀元年賜陝虢節度爲保義軍節度 光啟三年王
重榮爲其下所殺重盈移鎮河中以其子珙領陝虢

帥

乾寧元年涇原節度賜號彰義軍節度 按通鑑在大

順二年蓋據昭宗實錄故與表異也先是大歷七年
涇原節度使劉昌築胡谷堡改名彰義堡彰義之名
蓋出于此時張鈞爲節度使鈞卒兄鐸代之鐸卒子
璣代之又有珂代璣爲留後其後爲李茂貞所併

二年升同州爲匡國軍節度 通鑑於乾寧元年十二
月已書匡國節度使王行約行約行瑜之弟也

光化元年以華州置鎮國軍節度領同華二州兼興德
尹 今按通鑑大順元年張濬用兵河東時韓建已

爲鎮國軍節度使非於此時始置節度也其兼領同州節度亦在乾寧四年惟興德尹之稱則於是年始授蓋改州爲府因進刺史爲尹耳

夏保塞軍節度曰寧塞軍節度按通鑑乾寧四年正月以李思諫爲寧塞節度使在光化紀元之前

三年罷鎮國軍節度及興德尹按天復元年朱全忠始克華州舊本紀天祐三年勅華州鎮國節度觀察處置等使額及興德府名並宜停廢復爲華州刺史仍隸同州爲支郡表書於光化三年誤之甚矣

置佑國軍節度按佑國軍置于光啟三年不應夏云

置當爲罷字之譌蓋天祐元年昭宗遷洛河南尹不
帶留守因移佑國軍於長安而張全義亦改除天平
節度使此罷佑國節度事或在天復三年而表誤係
之光化三年耳

天祐元年以京畿置佑國軍節度使領金商二州按
舊本紀天祐三年勅西都佑國軍作鎮已來未有屬
郡其金州商州宜隸爲屬郡蓋置鎮在元年其領金
商二州則在三年也

三年置義勝軍節度使領耀鼎二州耀州本京兆之
華原縣鼎州本京兆之美原縣皆李茂貞所置并於

攷異

十四

耀州置節鎮以李彥韜爲使卽溫韜也

唐書六

唐書七

廿二史攷異四十七

錢大昕學

方鎮表二

景雲二年北都長史領持節和戎大武等諸軍州節度

使 按開元十一年始以太原爲北都都置留守都

督府乃有長史此文當云并州大都督府長史

或省文作

并州長史不當云北都長史也大武軍後改大同軍

開元五年領天兵軍大使 時并州長史張嘉貞言突

厥九姓新內屬雜處太原北請置天兵軍綏護其衆

詔以嘉貞領天兵使八年嘉貞入相除張說并州長

史天兵軍節度大使代之

十八年夏太原府以北諸軍州節度爲河東節度漢之河東郡在今平陽府後魏周隋之河東郡卽蒲州自唐設節鎮而太原遂兼河東之名其後升蒲州爲河中府分爲兩鎮而河東縣猶爲蒲州治所唐會要開元十八年十二月宋之悌除河東節度使已後遂爲定額

至德元載置河南節度使是歲始以嗣吳王祗爲陳留太守河南道節度采訪使未幾以嗣虢王巨代祗未幾又以賀蘭進明代巨節度次年以宰相張鎰領

河南節度采訪使代進明乾元元年鎬左遷以崔光遠代之其冬光遠爲魏州刺史城陷出奔表云乾元元年廢河南節度當在光遠改官之後也

置淮南西道節度使 以來瑱爲之

置青密節度使 青州時爲北海郡當云北海節度使史據後改稱之鄧景山傳至德初擢拜青齊節度使卽表所稱青密節度也

置鄆齊兗三州防禦使治齊州 此與河南淮西諸節度同時置而彼稱郡名此稱州名體例殊不畫一攷舊本紀乾元元年九月以能元皓爲齊州刺史齊兗

郟等州防禦使

凡節度防禦團練使帶刺史卽是所治之州

疑表書此事

本在乾元元年時已改郟爲州故不稱郡而稱州傳刻之譌溷入前兩格耳

乾元元年淮南西道徙治鄭州 是時魯炅以襄鄆節度兼領淮西而鄭州別置節度以季廣瑋爲帥史所稱鄭蔡節度也

別置豫汝許節度使治豫州 按舊本紀乾元二年四月以興平軍節度李奂兼豫許汝等州節度使此與廢淮西節度蓋一時事表書於元年疑誤

青密節度增領滑濮二州 以許叔冀爲節度使

二年置汴滑節度使治滑州領州五滑濮汴曹宋又置河南節度使治徐州領州五徐泗海亳穎是歲三月以滑州刺史許叔冀充滑汴曹宋等州節度使蓋滑汴與青密分爲二也又以鄆州刺史尚衡爲徐州刺史充亳穎等州節度使即表所稱河南節度也

置鄭陳節度使領鄭陳亳穎四州治鄭州尋增領申光壽二州以三州隸淮西是歲四月以魯炁爲

鄭陳節度使炁本領襄鄧淮西二鎮今解襄鄧祇領鄭陳四州節度蓋以相州師潰之故表所稱置鄭陳節度也六月以彭元曜爲鄭州刺史充陳鄭申

光憲等州節度使蓋昃歿而元曜代之表所謂增領三州也其九月以王仲昇充申安河等州節度使表所謂復置淮南西道節度以三州還隸淮西是也

青密節度使增領淄沂海三州 是歲四月以徐州刺史尚衡爲青州刺史充青淄密登萊沂海等州節度使節表所云增領三州也

升鄆齊兗三州都防禦使爲節度使 能元皓自都防禦升節度使治兗州故史稱兗鄆節度

上元二年置滑衛節度使治滑州 乾元二年滑汴節度使許叔冀降賊至是令狐彰以滑州歸朝因授滑

衛相魏德貝六州節度

淮南西道節度使增領陳鄭潁亳汴曹宋徐泗九州徙
治安州號淮西十六州節度使 今按寶應元年淮

西帥王仲昇爲賊所虜乃除來瑱淮西河南十六州

節度使

來瑛傳云十五州無
亳徐壽而有豫許

而以裴茂代瑱鎮襄陽

既而瑱竟不行則河南淮西必別置帥故表又有寶

應元年復置河南節度之文其實祇一年中事耳据

肅宗紀王仲昇與史朝義將謝欽讓戰于申州敗績

在寶應元年建卯月而來瑱移鎮淮西之命乃在仲

昇敗沒以後則此表以廢河南節度及淮西增領十

六州事屬之上元二年者其誤顯狀矣

置淄沂節度使 按舊本紀殷仲卿爲淄州刺史淄沂
滄德棣等州節度使在上元元年十月

平盧軍節度使侯希逸引兵保青州授青密節度使

據通鑑在寶應元年平盧軍本置于營州至是移駐
青州而淄青節度遂兼平盧之號猶鳳翔兼隴右涇
原兼四鎮北庭行營也

寶應元年復置河南節度使治汴州 以田神功爲節
度使

淮西節度增領許隨唐三州 是歲七月以李忠臣爲

淮西十一州節度一守加安州刺史

以鄭州隸澤潞節度 乾元二年九月李抱玉爲鄭陳

潁亳節度使至是除澤潞節度仍以鄭隸之

申州隸蔡汝節度 蔡州卽豫州是年代宗卽位避諱

改名節度使則李忠臣也

是年廢兗鄆節度 本以田神功代能元皓爲兗鄆帥

神功移鎮汴州因以兗鄆所領分隸神功與侯希逸

也

廣德元年析相貝別置節度魏博別置防禦 相貝魏

博諸州爲賊所據雖領於令狐彰實不能有其地至

是薛嵩田承嗣始以州歸朝因授以節鎮也滄德亦
侯希逸遙領至是始隸魏博

永泰元年淄青平盧節度增領押新羅北海兩番使

北海當作渤海

大歷十一年廢河南節度使 是歲汴宋留後田神玉
卒其將李靈耀拒命詔諸道兵討之李正已取曹兗
鄆濮徐五州李忠臣取汴州卽以其地益之李勉本
兼汴宋節度所得惟宋泗二州耳

淮西節度增領汴州徙治汴州 李忠臣徙治汴益欲
伺隙兼取汴宋故地

十四年淮西節度使復治蔡州更號申光蔡節度使汴州隸永平軍節度是歲李希烈逐忠臣卽以三州與之仍以汴還永平軍令李勉移治之

建中二年置宋亳穎節度使治宋州時永平將劉洽有功析三州除節鎮

三年廢淄青平盧節度使是時李納拒命下詔討之故初其地爲三鎮徐海沂密四州亦在淄青管內也興元元年納歸命仍復其舊

興元元年宣武軍節度使徙治汴州時劉洽破李希烈取汴州卽以其地與之

賜河東節度號保寧軍節度 時馬燧爲節度使賜軍

號以寵之貞元三年燧罷兵柄因去軍額

貞元四年置徐泗濠三州節度使 徐州本在淄青管

內李洎始以州歸國至是因李泌言於徐州置鎮以
張建封爲卽度使濠當作豪地理志濠州字初作豪
元和三年改從濠建封除帥在元和以前其時未加
水旁韓退之有徐泗豪三州節度掌書記廳壁記退
之在建封幕中所作也建封傳亦作濠史家失於攷
正耳

十六年廢徐泗濠三州節度使未幾復置泗濠二州觀

察使隸淮南徐州領本州留後 是歲張建封卒軍
中請立其子愔爲留後德宗不許命將討之故廢節
度而以濠泗隸淮南旣而師出無功乃除愔刺史知
留後事而濠泗別立觀察也

元和二年廢泗濠二州觀察使置武寧軍節度使治徐
州領徐泗濠三州 是歲張愔以疾求代除王紹節
度武寧復領濠泗二州據表似武寧之號在兼領三
州之日而愔傳云進愔武寧軍節度使是又不始於

王紹也

舊書順宗紀永貞元年
徐州節度賜名武寧軍

十一年彰義軍增領唐隨鄧三州尋以三州別置節度

便 時唐隨鄧節度高霞寓討吳元濟兵敗乃以袁
滋爲彰義軍節度使申光唐蔡隨鄧州觀察使故云
彰義軍兼領三州狀元濟方拒命滋雖有彰義節度
之名所領者仍不過唐鄧隨耳及滋罷而用李愬爲
帥仍稱唐隨鄧不帶彰義軍銜故云別置要之名異
而實同也

十二年彰義軍節度復爲淮西節度 是歲裴度以宰
相領節度事度入朝除馬總爲節度史皆稱彰義軍
未嘗改名淮西也

十三年廢淮西節度 是歲馬總移鎮忠武卽以蔡隸

之而以光州隸淮南中州隸鄂岳自是蔡州無節鎮者六十四年中和初秦宗權據之於是又有奉國軍之名

十四年淄青平盧節度使領青淄齊登萊五州 時李師道誅析其地爲三鎮

會昌四年升大同都團練使爲大同都防禦使 據此似防禦高於團練狀百官志防禦列團練之下

咸通三年罷武寧軍節度置徐州團練防禦使隸兗海又置宿泗等州都團練觀察處置使治宿州 是歲以徐州驕卒逐節度使溫璋令王式代之式至鎮誅

徐卒三千餘人因降其使額爲防禦也據舊書本紀
四年四月勅徐州罷防禦使爲支郡隸兗州則徐州
之隸兗海在次年罷防禦以後表書於三年似誤

十年置徐泗節度使是年復置都團練防禦使增領濠
宿二州 是歲正月除王晏權武寧軍節度使爲討
龐勛故也然舊本紀咸通九年龐勛陷徐州殺節度
使崔彦曾其時先已升團練爲節度矣其秋勛伏誅
乃除曹翔徐泗濠團練防禦使是節度又降爲團練
也

中和二年夏大同節度爲鴈門節度領左神策軍天寧

鎮遏觀察使徙治代州 按舊史僖宗紀中和元年
四月以前大同軍防禦使李克用檢校工部尚書兼
代州刺史鴈門已北行營兵馬節度等使卽表所云
鴈門節度徙治代州也是年克用假道太原爲鄭從
謙所阻還屯代州至次年克用兵至河中乃兼神策
天寧軍鎮遏忻代觀察使卽表所云忻代二州隸鴈
門節度也神策本禁軍其時偶隸克用麾下非鴈門
帥所得領似不當入方鎮表

四年河東節度復領雲蔚二州 雲蔚本克用所部今
移鎮河東仍以二州益之

乾寧二年析齊州置武肅軍防禦使 唐末防禦使亦有軍名如齊州置武肅軍防禦金州置昭信軍防禦杭州置武勝軍防禦眉州置保勝軍防禦是也是時朱全忠攻朱瑾瑾兄玢以齊州降故升置防禦以授瓊瓊爲瑾所殺全忠以玢弟玘代之

四年賜沂海節度使爲泰寧軍節度使 是歲朱全忠克兗州以葛從周爲帥攻本紀乾符六年書泰寧軍節度使李係光啟元年書泰寧軍節度使齊克讓乾寧二年書泰寧軍節度使朱瑾似泰寧軍號先已有之

光化元年感化軍節度復爲武寧軍節度未幾復爲感化軍節度按昭宗紀中和元年感化軍將時溥逐其節度使支詳自稱留後三年武寧軍節度使時溥爲東面兵馬都統光啟二年武寧軍將丁從實陷常州武寧軍將張雄陷蘇州昭宗紀景福元年武寧軍將張璠張諫以濠泗二州叛附于朱全忠二年朱全忠陷徐州武寧軍節度使時溥歿之時溥傳亦云僖宗以武寧節度命之則感化之復爲武寧似在時溥爲節度之日宰相表景福元年二月劉崇望罷爲武寧軍節度使其時欲以崇望代溥而溥不肯代則溥

爲徐帥其軍號武寧必矣或朱全忠取徐之後又改
武寧軍爲感化軍乎乾寧四年全忠奏以潁州刺史
王敬美兼徐州刺史武寧軍節度使卽此表所云感
化軍復爲武寧也乾寧四年十一月奏請必以大光
年抵任故表係之光化元年
化三年全忠又表朱友恭爲潁州刺史感化軍節度
留後卽表所云未幾復爲感化軍也

天復元年罷感化軍節度 按舊本紀是年二月以朱
友裕爲華州刺史感化軍節度使四月以潁州刺史
朱友恭兼徐州刺史武寧軍節度使至天祐二年全
忠封魏王武寧一道亦在管內蓋是年移感化軍名

於華州而徐州軍額仍爲武寧初非罷此軍節度也
表殆失之

唐書七

錢大昕學

方鎮表三

開元二年置幽州節度諸州軍管內經略鎮守大使

唐會要先天二年二月甄道一除幽州節度經略鎮

守使先天二年卽開元元年也相差一年

唐營平鎮守治太平州 幽州管內無太平州恐有譌

文

七年升平盧軍使爲平盧軍節度經略河北支度管內

諸蕃及營田等使 唐會要開元七年閏七月張敬

忠除平盧軍節度使始有節度之号八年四月除許
欽琰又帶管內諸軍諸蕃及支度營田等使

十五年幽州節度大使兼河北支度營田事 事當作
使唐會要開元十五年十二月除李尚隱又帶河北
支度營田使

二十七年幽州節度使增領河北海運使 唐會要是
年十二月除李適之又加河北海運使

二十八年平盧軍節度使兼押兩蕃渤海黑水四府經
略處置使 唐會要是年二月除王斛斯又加押兩
蕃及渤海黑水等四府經略處置使

天寶元年更幽州節度使爲范陽節度使 唐會要
是年十月除裴寬爲范陽節度使其年安祿山爲平盧
節度三年代寬鎮范陽仍領平盧軍

至德元載置澤潞沁節度使 以程千里爲上黨節度
二載升河中防禦爲河中節度兼蒲關防禦使領蒲晉
絳隰慈瓠同七州 按舊史肅宗紀乾元元年九月
以趙泚爲蒲州刺史蒲同號三州節度使此河中置
節鎮之始所領不過三州二年七月以王興爲蒲州
刺史蒲同絳三州節度使易號以絳所領仍不過三
州時已置號華節度使以來瑱爲之故不及號也至

上元元年二月以崔寓爲蒲州刺史蒲同晉絳等州節度使或隰慈二州亦在管內乎至德中蒲州未有河中之名其置節度在乾元元年表皆誤

乾元二年河中節度兼河中尹 按舊本紀上元元年三月升蒲州爲河中府其四月以蕭華爲河中尹充同晉絳等州節度觀察處置使表書於乾元二年誤廣德元年置相衛節度使治相州是年增領貝邢洛號洛相節度衛州復隸澤潞未幾復領號相衛六州節度使 相衛貝邢洛凡五州而云六州疑有譌脫大曆元年相衛六州節度賜號昭義軍 是時薛嵩爲

節度使昭義之號本在相州後乃移於潞州也地理志永泰元年昭義節度使薛嵩表置磁州六州之名蓋合磁言之狀廣德初尚未有磁州當於永泰元年書增領磁州號相衛六州節度使方爲得之

十年潞州隸幽州盧龍節度滄州隸義武軍節度德州隸淄青平盧節度是歲昭義帥薛嵩爲其下所逐田承嗣盜有其地詔遣諸道討之李正已得德州李寶臣得滄州而承嗣將吳希光亦以瀛州降其時朱滔方恭順故卽以瀛與之也義武當爲成德之譌自是承嗣失瀛滄德三州而得相衛洺貝四州

建中元年昭義軍節度兼領澤潞二州徙治潞州 按
澤潞與昭義本是兩鎮李抱玉爲澤潞帥移鎮鳳翔
兼領澤潞以從弟抱真爲留後大歷十一年昭義帥
李承昭病以抱真權知磁邢兵馬留後其時昭義所
管祇有兩州耳至是抱真正授節度遂兼澤潞之地
三年罷成德軍節度置恒冀都團練觀察使治恒州漢
趙都團練觀察使治趙州 是歲李惟岳爲王武俊
所殺分成德管內爲三鎮以武俊爲恒冀都團練觀
察使康日知爲潞趙都團練觀察使張孝忠爲易定
節度使名其軍曰義武

置義武軍 按表於義武一鎮闕略不完以例言之當云置義武軍節度領易定滄三州治定州又於貞元三年書以滄州隸橫海軍節度乃爲得之

興元元年置晉慈隰節度使治晉州尋罷復置河中節度使領河中府同絳號陝四州 是歲李懷光據河中以叛四月以唐朝臣爲河中尹河中同晉絳節度使遙領使名未能有其地也八月以渾瑊兼河中絳州節度使充河中同華陝號行營副元帥以馬燧兼晉慈隰節度使燧又讓於康日知自是分爲二鎮表當先云復置河中節度使次云置晉慈隰節度使治

晉州乃得其實此文先後失序其云晉慈隰節度尋罷尤誤也

廢恒冀漢趙二觀察復置成德軍節度使領恒冀漢趙四州初恒趙分鎮王武俊自以功大賞薄不受命與田悅李納朱滔合從阻兵兩載及德宗幸奉天武俊首先歸順因授節度仍以漢趙與之明年朱滔成并以德棣遷之

貞元三年置橫海軍節度使以程懷直爲節度使

四年置晉慈隰防禦觀察使時康日知已卒除崔漢衡爲觀察使加都防禦不稱節度依表例當先罷

晉慈隰節度而後云置防禦也

十五年罷河中節度置河中防禦觀察使 是歲渾瑊
薨除杜確河中尹河中絳州觀察使不加節鎮其後
鄭元杜黃裳等復爲節度矣

元和三年罷晉慈隰觀察使以三州隸河中節度 按
韋丹傳拜晉慈隰觀察使開歲自陳所治三州非要
害地不足張職爲國家費不如屬之河東帝從之正
謂此也舊本紀元和二年正月以杜黃裳檢校司空
同平章事兼河中尹河中晉絳等州節度使則河中
兼領晉慈隰蓋在元和二年

四年置保信軍節度使領德棣二州 成德帥王士真卒子承宗請獻德棣二州因置保信軍別除薛昌朝爲節度旣而承宗拒命吐突承璀出兵無功乃罷保信軍復以二州隸成德軍

十三年以德棣二州隸橫海節度 時吳元濟旣平橫海程權亦請入朝受代承宗始獻德棣二州乃除鄭權橫海軍節度德棣滄景觀察使尋又以烏重胤代之

十四年罷河中節度置河中都防禦觀察使 是歲除李絳河中觀察使宰相皇甫湜惡絳故不授節制其

明年以韓宏代絳仍爲節度

長慶元年置淡冀節度治淡州尋罷 是歲八月以淡

州刺史牛元翼爲淡冀節度使尋授元翼成德軍節
度并領淡冀

置瀛莫都團練觀察使治瀛州尋升爲節度使 是歲
三月幽州帥劉總移鎮析其地以盧士玫爲瀛莫都
團練觀察使七月朱克融作亂就升士玫節度使未
幾士玫亦被囚此鎮遂廢

置德棣二州觀察處置使 按舊本紀長慶二年二月
以李光顏爲滄州刺史橫海軍節度使以李全略爲

德州刺史德棣等州節度使卽其事也表係於元年
又不云節度當以舊紀爲正未幾光顏還鎮許州仍
以全略爲橫海軍節度合二鎮爲一

二年置晉慈都團練觀察使以李寰爲使

大和元年升晉慈觀察使爲保義軍節度是年罷寰
自觀察遷節度尋移鎮橫海遂罷保義軍

三年置相衛漚三州節度使史憲誠上書求覲詔移
鎮河由以其子孝章爲相衛漚節度使旣而魏軍亂
殺憲誠立何進滔遂罷相衛節度而徙孝章鎮郟坊
罷橫海節度更置齊德節度使鎮德州尋廢復置更號

齊德滄節度使 按是歲五月誅李同捷以傅級代

李祐鎮橫海而別以李有裕

本名古

為齊德節度蓋析

為二鎮初未罷橫海節度也其八月以殷侖為齊德滄節度使始去橫海之號

會昌四年澤州隸河陽節度 澤州以下九字當在弟

二格誤入弟一格

中和二年節度使孟方立徙昭義軍于邢州而兼領潞州自是五州有二昭義節度 按自會昌平劉稹以後昭義立有潞邢洺磁四州表云五州者誤也方立既稱節度而李克用復表其弟克脩為昭義節度治

潞州田是有兩昭義軍此中和三年事表敘此事失之太略矣

光啟元年賜河中節度號護國軍節度 時王重榮爲節度使

乾寧二年齊州隸武肅軍節度 上卷云析齊州置武肅軍防禦使此云節度似誤

天復元年二昭義軍節度合爲一復領澤州 按中和三年分立昭義二鎮大順元年李克用取邢洺磁三州以安金俊爲團練使二年以李存孝爲邢州留後乾寧元年馬師素爲邢洺節度使皆克用表授故不

帶昭義軍號也光化元年葛從周取邢洛磁三州朱全忠表從周爲留後復稱昭義軍其冬潞州節度薛志勤卒李罕之據潞以叛全忠因表爲昭義節度明年以丁會代之自是兩昭義軍皆屬於汴旣而李嗣昭復取澤潞克用表孟遷爲昭義節度天復元年汴軍攻澤潞孟遷以城降仍除丁會昭義節度卽表所云二節度合爲一也據舊本紀是年全忠奏請於昭義節度官階內落下邢洛磁三州却以澤州爲屬郡其河陽卽度只以懷州爲屬郡從之則是分邢洛磁與昭義爲二鎮初非合而爲一表殆誤矣又攷五代

史孟方立傳稱李克脩爲澤潞節度使而李罕之以澤州刺史得據潞府似澤州久在昭義管內但此時始著爲今耳

方鎮表四

景雲元年安西都護四鎮經略大使 都護下當有領字四鎮謂安西疏勒于闐焉耆也安西治龜茲地

置河西諸軍州節度支度營田督察九姓部落赤水軍兵馬大使 按唐會要景雲二年四月賀拔延嗣爲涼州都督充河西節度使自此始有節度之号至開元二年四月除楊執一又兼赤水九姓本道支度營

田等使表俱襲之元年似疏

先天元年北庭護領伊西節度等使 唐會要先天
元年十一月史獻除伊西節度兼瀚海軍使

開元五年置隴右節度兼隴右道經略大使 唐會要
開元元年十二月鄯州都督陽矩除隴右節度自此
始有節度之号至十五年十二月除張志亮又兼經
略支度營田等使已後爲定額

六年安西都護領四鎮節度支度經略使 唐會要開
元六年三月楊嘉惠除四鎮節度經略使

七年升劍南支度營田處置兵馬經略使爲節度使兼

五
昆明軍使 唐會要開元五年二月齊景冑除劔南
節度支度營田兼姚嵩等州處置兵馬使因此使有
節度之号表云七年似誤又青城山常道觀有石刻
開元十三年張敬忠上表其署銜云益州大都督府
長史劔南道節度大使兼本道採訪經略大使則其
時又有大使之名矣

天寶十三載安西四鎮復兼北庭節度 是年三月以
安西四鎮節度封常清兼伊西北庭節度

至德元載襄南陽二郡皆置防禦守捉使尋升南陽
防禦爲節度使 時曾吳以南陽太守兼守捉防禦

使尋遷南陽節度使襄陽防禦使則魏仲犀也

置興平節度使 以李奐爲之

天水郡太守兼防禦守捉使及大震關使 蓋以郭英
又兼之

二載廢南陽節度使升襄陽防禦使爲山南東道節度
使領襄鄧隨唐安均房金商九州 均房金商四州
卽興平節度所領之上洛四郡也興平節度至上元
二年始廢不應此時卽以四郡隸襄鄧此事之可疑
者又攷是年正月以魏仲犀爲襄陽山南道節度使
五月魯炅自南陽走襄陽除襄鄧十州節度使乾元

二年吳移鎮鄂潁當以史闢代之上元元年闢以軍
亂被殺乃除來瑱襄鄧十州節度使據曾吳來瑱傳
俱云十州而表稱九州亦未甚合竊意吳爲節度時
均房四州未必在襄鄧管內迨來瑒建節之時李真
已移鎮因以四州隸之耳

乾元二年以夔峽忠歸萬五州隸夔州 按乾元元年
已罷夔峽節度矣此云隸夔州當有脫謬

上元元年荆南節度使兼江南尹 是年升荊州爲江
陵府江南當作江陵

荆南節度復領澧朗忠峽四州 以呂誼爲節度使次

年增領潭岳諸州亦謹所請也

二年廢興平節度使 李奐移鎮東川此鎮遂廢

置武關內外四州防禦觀察使 卽金商均房四州也

時呂誼等言來瑱得士心難制因別置四州觀察瑱

所領止六州寶應元年詔瑒移鎮淮西而以裴莪爲

襄鄧七州防禦使代之

置淮西十六州節度表在上元二年

此事雖不

果行亦宜見於表也

廣德元年升山南西道防禦守捉使爲節度使 以張

獻誠爲使

尋降爲觀察使 大歷三年獻誠以疾辭位除其弟獻

恭爲節度觀察使非降爲觀察也

大歷元年置邛南防禦使治邛州尋升爲節度使未幾廢置劔南西山防禦使治茂州未幾廢 永泰元年劔南節度使郭英乂爲兵馬使崔旰所殺邛州柏茂林等起兵討旰蜀中亂是年以宰相杜鴻漸充山南西道劔南東川等道副元帥兼劔南西川節度使鴻漸卽奏授柏茂林邛州刺史邛南防禦使崔旰茂州刺史劔南西山防禦使未幾又奏遷茂林爲邛南節度而以旰爲西川節度行軍司馬明年鴻漸入朝旰遂除劔南節度矣

建中元年升山南西道觀察使爲節度使 時賈耽爲節度使

貞元十一年西川節度增領統押近界諸蠻及西山八國雲南安撫使 時韋皋爲節度使

元和十年置唐隨鄧三州節度使 以高陵寓爲使

十一年廢唐隨鄧節度使是年復置 高陵寓與吳元濟戰敗以袁滋代之改稱彰義軍節度領唐隨鄧三州故云廢也未幾罷滋以李愬代之仍稱唐隨鄧節度

十二年廢唐隨鄧節度使以唐隨鄧三州還隸山南東

道 淮西已平以李愬充山南東道節度襄鄧隨唐復鄆均房等州觀察使仍合二鎮爲一

大和六年廢荆南節度使置都團練觀察使 是歲段

文昌移鎮西川除崔瑄荆南都團練觀察使不加節鎮

開成三年復置荆南節度使 李石以宰相除荆南節使

大中三年升秦州防禦守捉使爲秦成兩州經略天雄軍使 是年鳳翔節度使李勣奏收復秦州

五年置歸義軍節度使 以沙州刺史張義潮爲之

咸通八年置定邊軍節度觀察處置統押近界諸蠻并
統領諸道行營兵馬制置等使 以李師望爲使
十一年廢定邊軍節度使 去年師望戰沒以竇滂代
之滂亦遁去此軍遂罷

光啟元年升金商都防禦使爲節度兼京畿制置萬勝
軍等使是年罷節度 按舊本紀光啟二年六月以
楊守亮爲金州刺史金商節度京畿制置使表列於
元年誤也其七月守亮除山南西道節度使三年正
月 除楊守宗金商節度五月詔守宗權知許州事
自是金商不除節度

置武定軍節度使治洋州 舊本紀光啟二年正月以
李茂貞爲洋州刺史武定軍節度使表在元年亦誤
二年升興鳳二州防禦使爲鳳義軍節度使 以楊晟
爲使晟敗走而滿存代之并領利州

文德元年賜山南東道節度號忠義軍節度 秦宗權
將趙德誣以山南東道七州降授節度使并賜軍號
德誣卒子匡凝代

置永平軍節度使領邛蜀黎雅四州 以王建爲使
升彭州防禦使爲威戎軍節度使領彭文成龍茂五州
楊晟失興鳳走據文龍成茂四州田令孜以已故

將假威戎軍節度使守彭州

大順二年廢永平軍節度使 王建已得西川卽廢此
軍而兼其地

景福元年彭州隸龍劔節度 是年王建攻楊晟克之
乾寧四年夏威義軍節度曰昭武軍節度 以蘇文建
爲使治利州

光化元年升昭信軍防禦爲節度使 以馮行襲爲使
置武貞軍節度使領澧朗澁三州 以雷滿爲使

天祐二年賜昭信軍節度號戎昭軍節度 舊本紀金
州馮行襲奏當道昭信軍額內一字與元帥全忠諱

攷異

唐書八

古

字同乃賜號戎昭軍蓋全忠祖諱信故也

三年忠義軍節度復爲山南東道節度 趙匡疑爲朱全忠所攻奔淮南因去忠義之號

廢武定軍節度 馮行襲移鎮匡國軍因併均房入襄鄧也是時有兩武定軍此所省者均州之武定若洋州之武定乃王建所有非全忠所能廢

升夔忠涪防禦使爲鎮江節度使 此與利閬興文兩節度皆王建所置